

經

義

考

經義考卷五十七

秀水 朱熹傳

男 昆田

易 五十六

沈氏 懋孝 周易程朱傳義箋

未見

懋孝自序曰疏易義者多矣惟程先生正叔作傳朱先生元晦作本義二書並垂博士家危坐說之歛衽奉之余爲擇兩先生平日所爲易與其弟子所說者各箋所作傳義下其他氏語悉簡去不陳雖言或重複旨有出入要以旁詣互見無所不極若坐兩先生於一堂執經前席也程大指謂體用顯微無二理以人事著易道故曰卦者事也爻

者事之時也此程先生以易發已所學其不合孔子遺意者殆十之半朱先生尊信經學覺其與孔子稍殊故於彖爻之前掇取孔子彖象之義者十之七裁約程傳者十之二參入他疏所得者十之一而稱曰本義至於孔子彖象則皆略而不著若以論大道通神明毋乃令高明特達之士猶有遺論乎然而兩先生之傳義無異兩曜之明乎天也吾豈敢謂易道盡乎此後生可畏來者起予安知無起而代之明者

周易四聖象詞

未見

懋孝自序曰孔子之道總於六籍尤粹精於易易非詩書禮樂春秋比也詩書論而存之有刪有逸禮樂攷而定之

有次有補魯史裁而斷之有筆有削其於易也尊之讚之不敢議焉退與門人雅言未常一及易其列於復之讚者獨顏氏之子而曾參氏亦嘗稱說艮之象辭聞易者二子耳觀其生平所自著書魯論皆門人所述詩書禮樂傳之往者春秋亦本舊文惟十翼爲手筆全書嗚呼孔子之書何假傳注而始明後之學者奈之何求之百家傳注馳騁雜博之場雖多奚以爲余晚而好易抱其圖象卦象爲一卷彖爻之詞爲一卷孔子之贊爲一卷藏之笥中以俟洗心退密神明其德庶幾旦暮遇之也夫

周易博義

未見

懋孝自序曰余旣玩易有年乃敢論次其書敘述已意俟

之將來以備聖人君子者之一擇其大義有八首義皇之  
象則列二儀四象八卦而止此孔子所謂庖犧氏始作八  
卦者也次文王周公之彖文辭此孔子所謂興於殷之末  
世因貳濟民行者也次彖象繫辭等作此孔子自謂學之  
可無大過者也四聖人之學備於此上智觀之可思過半  
焉故述象辭第一程正叔之易傳朱元晦之易義啓蒙天  
下學者宗之今箋二先生平日語令學者精求而參論之  
故述箋文第二漢晉下諸注疏家順而次之與宋疏並存  
令學者時時遡觀別當有得於象教故述古疏第三  
著者無他特循孔子贊義一一疏其文若孔子所以疏文  
王周公之文者無添減焉卽不盡合程朱不敢諱也故述  
孔子贊疏文第四 子鐘以爲文不必一一分疏特疏所

缺而宜特論者自成一氏言故述補義第五近世陽廷秀之易說蔡介夫之蒙引皆疏證明備因輯他氏所論可益補其義者次成之以庶幾蔡氏之志故述蒙引補第六至乃周茂叔先生之太極易通邵堯夫先生之皇極經世張子厚先生之西銘易傳正蒙楊敬仲先生之已易等書皆含義廣博後學不可不論故述儒論第七河圖洛書八卦六十四卦等圖傳自堯夫得之陳穆輩元晦先生特以冠書首不具言其義然其學淵微不可不深考故述傳義第八其老莊太玄參同等 題爲外義亦皆有補於易他日者別傳焉嗚呼易之道自此有傳也夫

李延是曰晴峯沈先生平湖人中嘉慶戊辰進士改庶吉士授編修歷修撰遷南京國子監司業謫兩淮運判起河

南巡撫致仕

孫氏 從龍 周易叅疑

十卷

存

王世貞序曰學易者商瞿馯臂子弓田楊二何之流斤斤守其師說歷數十傳而不變彼豈能盡當於心哉以爲吾師授之而吾受之吾所出口而入耳者如是足矣蓋至伊川氏而後稱得理也至紫陽氏而後哲於象占明興益尊大其說布之學官天下逢掖之士習易而不由二氏者罷弗用諸逢掖之士旦旦而習之毋亦商瞿馯臂之流之守其師說者耶吳江孫化光爲易說若干卷名之曰周易叅疑其於伊川紫陽之說初不爲牴牾乃其發於象占之外

而理之所未備者雋永乎其言之世之真能信易者孫君也可以不辱易

陸元輔曰孫從龍字化光吳江人隆慶戊辰進士歷官江西按察副使

沈氏 一貫 易學

十二卷

存

顧起元序曰蛟門先生以易起家歷官詞林至踐綸扉參大政而讀易猶不休蓋韋編鐵鐫未嘗去手者數十年始以所得筆而爲書及予告歸田且十年所摩研編削又不知凡幾更乃板而行之而先生遂厭人間世矣仲子叅等奉治命函書以序屬起元起元未嘗學易也安能贊先

高佑鉞曰劉元卿字調父江西安福人隆慶庚午舉於鄉  
萬厯中徵授國子監博士遷禮部主事

馮氏時可易說

五卷

存

時可自序曰易之爲書聖人所以寡過也其所以寡過在  
於扶陰抑陽乎陰陽之運行也不能無過而我以其道扶  
抑其間則天地之無過也卽我之無過也是三聖人之爲  
易也孔子之學易則於春秋見其用矣尊天王而卑列侯  
也內中國而外吳楚也褒君子而貶小人也是亦所以寡  
其過於天下而幽贊天地也故曰假我數年可以無大過  
彼大過惟聖人而後可無也聖人以萬物爲一體則天地

得其書又踰二年而始序其書無繇而質先生裁其可否  
作者既難知者又自不易起元竊有志而未之逮也

陸元輔曰一貫字肩吾別字蛟門鄞縣人隆慶戊辰進士  
以禮部尙書入閣歷少保中極殿大學士兼太子太傅吏  
部尙書易學十二卷蓋進呈講義也

賀氏注圖卦臆言

未見

黃虞稷曰沚字汝定廬州人隆慶庚午舉人官蘇州府同

知

劉氏元卿大易觀

二卷

未見

高佑鉅曰劉元卿字調父江西安福人隆慶庚午舉於鄉  
萬厯中徵授國子監博士遷禮部主事

馮氏時可易說

五卷

存

時可自序曰易之爲書聖人所以寡過也其所以寡過在  
於扶陰抑陽乎陰陽之運行也不能無過而我以其道扶  
抑其間則天地之無過也卽我之無過也是三聖人之爲  
易也孔子之學易則於春秋見其用矣尊天王而卑列侯  
也內中國而外吳楚也褒君子而貶小人也是亦所以寡  
其過於天下而幽贊天地也故曰假我數年可以無大過  
彼大過惟聖人而後可無也聖人以萬物爲一體則天地

之間有所過也皆其過也是以致汲汲而必欲補之也  
善學者其亦以聖人之補天地者而補吾心也端之微者  
吾扶之流之橫者吾抑之陽明用事陰濁退聽爲治於方  
寸之內自寡其過而後以治人過則亦聖人也嗚呼吾心  
之剝復天地之剝復也可懼孰甚焉以剝復而懼者君子  
也不剝復而懼者聖人也聖人之心卽易也而未嘗不學  
也聖人之動皆學也而無往非易也繫辭不云乎危者使  
平易者使傾其道甚大百物不廢懼以終始其要無咎心  
之危也心之易也陰陽貞勝之機也此聖人所懼也惟懼  
而無過也夫陰陽者聖人之所不容不勝也而况吾人乎  
甚矣學易之不可已也旣著說五卷復爲之序以自儆焉  
陸元輔曰馮時可字元成華亭人隆慶辛未進士官至湖

廣布政使叅議

唐氏

鶴徵

周易象義

四卷

存

劉曰寧序曰易家自王鄭而降主理者黜象主象者亦黜理是二者皆非也而象固近之顧儒者疑之曰理立於陰陽之前象表於形氣之後荆川先生言之矣易之爲書以象証理良然哉奉嘗先生者荆川先生子也蓋嘗發百家之藏殫三絕之力稟過庭之訓而益暢其說作周易集義其大要合爻象以觀理因象義以辨爻別二卦於一卦而內外正定主爻於六爻而君臣位至於互卦倒體其爲益博而義益精所謂叅伍以變錯綜其數者邪

鶴徵自述曰易須象與理合象與爻合鶴徵少嘗讀易先君子訓之曰易之爲書以象証理之書也論象不論理易失之穿鑿論理不論象易失之浮泛必象理合始有確據自先儒據易不可典要之言象與爻各自爲訓不惟爻象常相悖而六爻之中或本爻以明君子他爻目之爲小人所以先儒謂六爻似累世仇殺豈易義固然耶故必爻象合始爲定論鶴徵細求之則孔子之彖傳蓋備矣正所以合象理彖爻而一之者也學者於此求之可矣

陸元輔曰唐鶴徵號凝庵武進人隆慶辛未進士官至太常寺少卿

張雲章曰鶴徵荊州之子能世其學其自述曰先君子之訓曰易之爲書以象證理之書也論象不論理失之穿鑿

論理不論象失之浮泛必象理合始有確據自象與爻各  
自爲訓不惟爻象常相悖而六爻之中或本爻以爲君子  
他爻目之爲小人所以先儒謂六爻似累世仇殺然豈易  
義固然耶鶴徵細求之則孔子之象傳備矣正所以合象  
理彖爻而一之者也於此求之從入有道矣其書大旨如  
此

黃氏

洪憲

周易集說

三卷

未見

俞汝言曰公諱洪憲字懋忠號葵陽嘉興人隆慶辛未進  
士改庶吉士除編修陞侍讀遷右庶子充日講官歷少詹  
事掌翰林院

黃氏

正憲

易象管窺

十五卷

存

正憲自記曰聖人作經將以順性命之理使後世學者由之以成性成身彼卜筮乃易中之一事當亦爲日用不知者設以啓其趨避之門故曰以前民用若論進退存亡之道倏忽變遷與時偕行非心通易道者孰能貞夫一而不失其正哉故易之占乃吾心觀省之占非卜筮占筮占斷之占也孔子曰五十學易可無大過其所學何事其無過豈待卜筮而後知耶或曰虞廷枚卜周家定鼎非耶曰帝王大事未嘗不卜然曰朕先定志謀及乃心則亦以人謀爲主所謂幾者動之微吉凶之先見者也豈專主卜筮哉

又曰商瞿而下易道多岐自王弼疏行文義頗著求其發  
明切實則莫若程朱傳義然亦不能無齟齬處憲豈敢妄  
立異說惟因傳義以體彖爻象辭之意有不相合者則沉  
潛玩索融會貫通庶幾闡程朱未發之蘊不特義文周孔  
之旨爾語云以管窺天其憲之謂與

俞汝言曰正憲字懋容葵陽先生之弟

郭氏

子章

蟪衣生易解

一作郭氏易解

### 十五卷

存

子章自序曰子所雅言詩書執禮皆雅言也獨不及易易  
難言也惟難言故罕言子罕言命易性命之書也子言性  
與天道不可得聞中人以下不可語上何輕與人雅言易